

Fida Nyamesemka: Obrefew 15, 2013.
(Friday sermon – 15th November, 2013 – Fante Translation)

**HUZOOR NE NSERAHWE A OWIEE DWODWOODWO WƆ BOKA EKYIEKYIR
AFAMU (FAR EAST) NA NYANKOPƆN NE NHYIRA**

Nde nyamesemka yi Hadhrat Khalifatul Masih kaa no wɔ Baitul Futuh, wɔ London Aborɔkyirman mu. Ɔkaa de, de mbre obiara enya no ntsee no, ɔkɔɔr nserahwe wɔ Australia, New Zealand, Singapore na Japan adapen dodowara a etwa mu kɔ no. Na de mbre ɔye no kusum de ɔda mbre Nyankopɔn awora Ne nhyira egu ne nserahwe do edzi no, Huzoor kasaa tsiabaa faa ho nde.

Se yekan Nyankopɔn N’adom anaade yebohu ne mpenpendo no ɔnnkeye yie ara da. Se yehu de yerobodu Nyankopɔn N’adom bea a ɔtow kodu a, ntsemara Nyankopɔn yi ntseasee a yennyi no fi ho. Dza y’adwen de ɔye Nyankopɔn N’adom no ekodu no, ye mbom n’ahyese ma ɔnam dem ntsi Nyankopɔn dze hen tu anamɔn. Iyi tse dem pɔkyee ber a anamɔn biara a yebotu no, Adom anohoba a wɔbɔe maa Anohoba Mesia (ANN) a wɔkaa kyeree Nkɔmhyenyi Krɔnkrɔn (NNN) no ma nsemdeɔ kor so.

Se yereka Nyankopɔn N’adom mbre ɔtow kodu a, nna Hadhrat Khalifatul Masih nnhu adom tsebea mu a ɔwɔ de ɔhyease dze fi. Ɔbɔɔ Nyankopɔn N’adom no pɔw ɔnye nhyira a onnya suahu wɔ mu wɔ ne nserahwe no mu. Wɔakyerew ne nserahwe no ho nsem a Vakeelul Tabsheer nsa hye ase a woetsintsim no wɔ Al-Fazl mu ma nkorɔfo binom akenkan. Mbom, ndzamba bi wɔ mu a yennkotum akyerɛ mu. Dza hen atonsafrefo a wofi ananabea kyeree wɔ hɔn enyimdua do no ber a nna wɔrekyere hɔn adwen wɔ Jama’at ho no, Hadhrat Khalifatul Masih nnkotum dze kasafua akyerɛ anaa akyerewsem akyerɛ mu. Ɔye a ɔbeyɛ de wɔbɔhwe no wɔ MTA do anaade wɔada bi edzi ma wɔahwe no dada. Asoe a wɔhwe da nsem edzi a ɔdze “Press Desk” yee nhyehyee a wɔdze nsem tsitsir a ɔfa no nserahwe noho maa Jama’at no mu nkorɔfo a wɔka Ngyiresi kasa. Ampaara de, adzekyee biara dze Nyankopɔn N’adom ho nhunii dwirii na iyi hye Anohoba Mesia (ANN) no nokwar ho dase.

Singapore na odzii kan dwirii wɔ ne nserahwe no mu. Singapore Jama’at noara, dzibewdzifo mbanyin na mbasiafo a wofi Indonesia na Malaysia so baa wimuhɛn gɛnabea ho behyiaa Huzoor kwan. Dem akwaaba yi fii sunsum atsenka mu a ɔye nwanwa a MTA yii no mu bi kyeree. Singapore nserahwe no dzii dadu ma Huzoor nye Ahmadiyyafo a wofi Indonesia, Malaysia, Brunei, Philippines, Thailand, Cambodia, Viɛnam, Papua New Guinea na Myanmar dzii ehyia. Ahmadiyyafo beyɛ ɔpepe ebien na fa na wofi Indonesia bae. Hɔn dodowara ye ehiafo, naaso wɔye nokwarfo. Binom bɔɔ bosa dze tuu kwan yi, binom so tɔɔn hɔn egyptadze. Hɔn ehiadze ara nye de wɔbɔhwehwe asɔr ama hɔn gyedzi. Binom ka dem nkorɔfo yi ho a wɔapam hɔn efi hɔn efiefi a wonnyi dabew beyɛ afe kor yi a wɔtsetse mpirempire adan mu, naaso wɔmmpow hɔn gyedzi. Nokwar nye iyi, mbom hɔn gyedzi rotow kɔ kan. Se yedze Jama’at hɔn ehyiadzi nye adzesua na mulaqats to nkyen a, wɔgye nsatofrefo no hɔn enyi wɔ apontu ase. Nsatofrefo a wofi Indonesia a wɔnnye Ahmadiyyafo so baa dem

apontu no ase, hɔn a wɔka ho binom ye nwomasua mu abemfo (University Professors) nwomasuafo, amanyefo na nsemkyerewfo. Nsemkyerewfo beenu nye Huzoor dzii mbisase a ɔdaa Jama'at no edzi ɔnye tsebea a wɔwɔ mu no. Nsatofrefo eduonum awɔtwe a hɔn mu binom ye nwomasua mu akakaben, obi a nna nkye ɔwɔ mbrahye nhyiamu na Muslim kuwmba awɔtwe bi bae. Ber a ɔdze ne nsem too gua wiee no, ɔbemfo (Professor) bi serɛ Huzoor de ɔmbesere Indonesia na ɔnkekasa wɔ hɔn esuapɔn no mu. Huzoor buaa de obedzi mu papaapa de noara beye ho nhyehyee, mbom ɔbemfo no ennsusu ho ennhu akasakasa a dem asem yi dze beba.

Singaporenyi bi a wɔtoo nsa frɛɛ no a nna ɔasom mfe eduonu akron wɔ amanadze edwuma ho na ɔaye mbrahye baguanyi pen, na ɔka hɔn a wɔkyekyer Singapore sii hɔ no, kaa de ber a nna ɔye Singapore ananmusinyi wɔ Egypt wɔ afe 1960 mu no nna asomdwee wɔ hɔ na nde mber yi dze asomdwee nnyi Boka Finimfin Apaamu hɔ; iyi nnkyere Islam ho adwenpa. Mbom ɔyee no enyigye de Ahmadiyya Jama'at hɔn banodzifo dze nokwar na asomdwee nsem a ɔfa no Islam ho rema wiadze na ɔkamfoo iyi dodow. ɔwɔ mu de dem nsatofrefo yi apon edwuma dze eso wobu no wɔ ɔman no mu papaapa. Kor so a wɔtoo nsa frɛɛ no a ɔye obi a ɔka Mosque Council Muslim a ɔwɔ Indonesia a wɔnye State Islamia University bɔ awer wɔ nwomasua ho a ɔwɔ Jakata no kasae ber a Huzoor dze ne nsem too gua wiee no, ɔkaa de Jama'at mfa adzesua ne fa bi a ɔdze "Arts and Sciences" a ɔwɔ aman a woetu mpon mu no nkɔ amanaman a worutu mpon no mu ama woedzi bano wɔ wiadze ne nkyekyemu ho nsem na ohia ho. Hadhrat Khalifatul Masih kyereɛ mu de ne kasaa no gyina seisei wiadze sikasem ho na mbre Islam hu no. Nsatofrefo no de nde mber yi obiara nnyi nhyehyee na banodzi a Ahmadiyya Jama'at wɔ na wɔkyere Islam ho nokwar ndzeyee. Abrentse kuwba bi kaa de Huzoor ne nsem a ɔdze too gua no wɔde ɔto Indonesia amamfo nyinara ama wɔatse Islam nkyerekyere a ɔfa no asomdwee na asetsenapa ase. ɔbemfo bi kaa de hɔn a wɔko tsia Ahmadiyya Jama'at no wɔde wɔnye Khalifatul Masih dzi ehyia na wotsie no ama hɔn akoma mu ebuei.

Indonesianyi nsemkyerewfo a ɔrekyerew Jama'at Ahmadiyya ho nsem dze agye nwomasua mu abɔdzin Ph.D no kaa de n'enyi asɔ Huzoor ne nsem a ɔdze ato gua no dodow a ogyina sikasem, enuadɔ, pɛpɛr na asomdwee do. Ngyiresinyi bi a ɔatsena Singapore mfe eduonu esoun na ɔaye Muslimnyi kaa de n'edwuma mu mpanyimfo bɔɔ mbɔdzen de wɔbesanka ne mbae eso wɔbɔɔ no hu de wobeyi no edzi efi edwuma mu no, ammfafa asem no na ɔbaa ehyiadzi no bi. ɔkaa de yese ampaara de ɔye Muslim, naaso mbreana oenya Islam ho nokwar nkyerekyere no a. ɔkyere pe de ɔbɔkɔ Ngyiresi Aborɔkyirman mu na ɔkaa de ɔbɔhwehwe Ahmadiyya ho nsem na ɔbepe de ɔye asɔrba. Esuapɔn mu ɔbemfo a ofi Philippines dze ndaase mae de wɔtoo nsa frɛɛ no wɔ ehyiadze no ase. ɔkaa kyereɛ Huzoor de se ɔhwe a ohu de Ahmadiyyafo nkotsee na wobotum aboaboa adasamba ano na kwan a wodua to ye iyi no Huzoor daa no edzi. Obi a nkye ɔye ɔsoafo ma Nwomasua wɔ Philippines a ɔnoara so ye Muslimnyi dzii ho dase kotoo de Jama'at yi bedzi kunyim. ɔkaa de, de mbre osii wɔ Nkɔmhyenyi Krɔnkrɔn (NNN) n'aber do no a wɔkoe tsiaa Muslimfo no, mber yi mu so Ahmadiyyafo so rehyia demara. Na de mbre Islam (ahyese noara) dzii kunyim no, Ahmadiyyafo so bedzi kunyim na ondu dem mber yi nna ɔabeye asɔrba. Hadhrat Khalifatul

Masih kaa de nkorofu pii ka wonyinom ho a wogaye Ahmadiyya atomu wo hon akoma mu mbom wosuro ekuwekuw bi.

Ma ottaa nserahwe yi do nye Australia dze no. ha so, ogyee n'ahom kakra wo Sydney no, Huzoor kor Melbourne akwansin beye ahawotwe dze ko ahakron. Wotoo pon wo Melbourne a nkorofu ahaebien edounu a wofi mbeambea a mbrahye nhyiamufo, nsordaafu mpanyimfo, apolisifo mpanyimfo, apaamu ahwedofu na nwomahufo baa ase. Onam Huzoor ne kasaa do wo apontu n'ase ma mbrahye baguanyi bi kaa de Huzoor ne kasapow no twa mu fa nyamesom do. Oye nsem a wodze ma adasa a owu de hen nyinara gye to mu dze dzi dwuma. Ogye dza Huzoor kaa faa tumdzi a owu asomdwee, perper, mudzi na som ma adasa na okaa de onyim de Ahmadiyyafo mbasiafo dze nsem no bepetse na wodze aako nyee do. Obaapanyin bi kaa kasapa wo Ahmadiyya mbofra ho. Hadhrat Khalifatul Masih buaa de dem na oye Ahmadiyyafo hon tsirmupow. Basia na abofra biara wode oma dem asem yi tre. Nkorofu aye krado de wobetsie hen. Church of Jesus Christ asorba bi kaa de Australia omamba biara tse dza Ahmadiyya Jama'at banodzinyi aka yi ase a ofa no asomdwee ho yi na obedzi mu papaapa de obiara dze benantsew. Nsatofrefo bi kaa de ono na nohokafo ahwehwe nokwar mfe duawotwe na dza wotsee no dem da no nnye biribiara de nokwar no. Okaa de dem nsem no wode wotaha ho wo akoma mu. Osenkyerewfo bi a okyerew nsem ma TV edwuma bi a odze ABS kaa de nsem no dzi mu, owu egyinanan eso n'enyim da ho pefee a ogyina nokwar do. Nsatofrefo bi so kaa de ohoahoa noho de obaa ehyiadzi nwanwaso no ase na dza wotsee fa asomdwee wo wiadze ho no too no do. Obaapanyin no kaa de odo dem nsem no dodow na onyaa pe de n'amamfo dze hon asowa boku do papaapa na nkye Huzoor dze dem nsem yi bepetse nkorofu nyinara do osiande nkorofu hia no mbordo mbordo. Obaasima yi reka dem nsem yi no nna n'enyiwa ataataa nsu.

Edwumayenyi bi a oka hon a wotu Aban fo noho kaa de oda edzi de Huzoor kasaa faa dza no som kyere. Okyerere de Australia n'abakosem a etwa mu mfe ahaebien no oye enyigye de yebetse asor banodzinyi ne kasaa a oye few dem. Oye de Australiaman no egu ahom fofor. Okaa de obedzi mu papaapa de Jama'at Ahmadiyya bema hon mu do dze nsem no ako mbeambea. Hadhrat Khalifatul Masih kaa de seisei dze oye Australiafo hon dwumadzi de wobema hon mu do wo afaafa nyinara. Pakistan Muslimnyi bi kaa de onnhuu enyimnyam a otse dem wo ehyiadzi a ne nhyehyee kor do waanowaano da. Kuwaitnyi bi so kaa de n'enyi gyee mbre Huzoor sii dze nokwar kyerekyere "Arab Spring" mu.

Nsusuho a osuro biara nnyimu na woennhu Arab nsu nhyira (Arab Spring) ne nhwehwe mu nyinara enndu ase. Aban krakye panyin a ofi Somaliaman mu no so wo ho bi na otsiee nsem a Huzoor kaa nyinara wo asopa mu na nsem no too no do yie. Nkorofu pii kor nhyiamu yi ase na wokyerere hon adwen. Huzoor kaa de ekyir no a ohyiaa ahoko pii no ohun de nnye obu keke na wowo na mbom sunsum ahobrase wo hon mu na oye de dza wotsee no kor hon mu yie, na ber a wohyiaa Huzoor no, binom kyere hon adwen wo dza Huzoor kaa no ho. Woenya Ahmadiyya asor no bi wo Melbourne kurow mu a woka ho asem wo Fida Nyamesemka biara mu, bea yi wo asaase tam a no dodow ye ekar esuon na adan wo do dada. Oye asado a nyimpa mpem ebiasa botum aye asor wo ho na dan no enyim hwe Kibla, afei asofo dan na ahoko bea na fie ahorow ebien wo mu, library, bea wodze mbuukuu sie,

akenkan dan na gyadze (kitchen), fiadze na asa kakraba bea no wo beebi a ahen gyina, ahen beye aha ebien botum ako ho. Wodze adzeserɛdze de, yerehwehwe bea no kor aban ho wo afe 2007 naaso amanfo ampe de wodze beye Muslimfo asor fie, nkye bea no ye agor prama na wofe 2009 Kamsii no gye to mu de wodze bema Ahmadiyyafo na bea yi ara na ye amanfo hon nyiamu bea (community centre). Woto bea yi Australia dola sika mpem ahaenum na wodze sika Australia dola opepe nye mpem ahaebiasa siesie ho na wodze kwaasafo dwuma sise sika beye Australia dola mpem ahaenum, siesiara bea no bo son Australia dola opepe enum. Huzoor san n'ekyir baa Sydney bobue Jubilee Hall dan a obotum afa nyimpa apem nye ahanan ano, ye aborosan, wo ofes nyiamu dan, gyaadze. Mbrahye beguanyi a wofre no Coucetta Fierau anti-wells baa nyiamu yi ase bi begyinaa Osoafopanyin (prime minister) anan mu, oman no mbrahye beguafu no bi so kaa ho bae, aban dom kumaa no so baa bi, Australia mpanyimfo na Kamsilfo. Huzoor kasaa fa Islam nkyerekyere pa na Ahmadiyya kuw na Khilafat nyehye wo Ahmadiyya kuw no mu ho, Nyame n'adom ara wotsie nsem no wo aso pa mu. Datsir panyin bi kyere n; adwen de ye no enyigye de Huzoor ada de Muslimfo nyedofu no hon dwumadzi gu Islam ho fi, okaa de nyi ano a Huzoor dze maa wo asem yi ho no a ofa Islam som, n'asomdwee som a ye no to n'so mu yie.

Ohoho kor onuaIndir Devi so kaa de obo nsem bi pow wo Huzoor ne kasaa no mu dem ntsi obehia Islam som ho nwoma bi a obe kyerekyere no Islam som no mu yie, ose ne tsir mu ntsen no wo Islamsom ho na mbom ye enyimnyam ma no de woto nsa afe no. Huzoor kaa de Jama'at mba no nye hon ndzi nkitaho na wonhwehwe nwoma mma no ma onkenkan, ahoho no mu pii no ara kyere adwen pa a woenya afa Ahmadiyya kuw no ho. Ofir ho no wo kor Brisbane kurow mu na woko bue asordan Baitul Muqet ano, a obiara hwee no wo MTA efir no do, woro pon so wo ho a dom dodow nye mpanyimfo mpanyimfo pii kor ase. Onua kor a ye Jew nyi a naa otsiaa Ahmadiyyado kese so kor ase bi na ohun de mbre kuw mba no tse no n'adwen sesaa, Nyame n'adom ara onua bi a wofre no Graham a nkye ompe Ahmadiyya kuw no asem no n'adwen sesaa ma siesiara oka nsem pa fa Ahmadiyyafo ho, na wabeye asor no nyenko. Aban soafo panyin no kaa de ohun no de Ahmadiyya kuw no dzikan wo nyimpa som de wosom adasamba yie, na woye mboa pii wo aber a nsu yir baa hon kurow Queensland mu. Wotaa ka de ahoho ntaa mma honho nyehye oman dwumadzi mu naaso Ahmadiyya kuw mba no nntse dem. Police panyin kor kaa de Ahmadiyya kuw mba no ye bataboa pii, ose Ahmadiyyafo kyere suban pa. Mbrahye beguanyi bi kaa kyere Huzoor de polisi komihyinafo wo gyanabew a okron wo hon man no mu, dem ntsi wonntaa mma nyiamu ase, na ye no nwanwa de komihyinafo no aba ho pii, mbrahyebeguanyi bi kaa de ne nsem no to no do pi wo aber a na Huzoor rekasa no, okaa de nsem no fir akoma mu tortsee, ose ohwee ahoho no pii enyim no ohun no de woretse nsem no yie wo asopa mu.

Huzoor nye panyin kor bi so dzii nyamesem ho nkomo, Huzoor kaa kyere no de Koran kyere abodze nyansa pe ho nyimdzi pii sen Bible nwoma no na panyin no gye too mu de otse dem ara na okaa de Kor'an nkyerekyere no kron sen Bible. Datsernyi panyin kor bi so

kaa de nna onnye no ne pe de obeba nhyiamu no ase na Huzoor hyee no nkuran de mma omma biribiara nnhaw no.

Huzoor fii Australia no okor New Zealand nserahwe na ho na obue hon asordan a odzikan na Maori ebusua no too pon ma Huzoor de mbre woye ma Amanpanyin no, na hon na woseen Ahmadiyya Frankaa no, nkye ho omanhen no ntaa nko dwumadzi a otse dem ase naaso obaa ho bi. De mbre hon kusum amanbra tse no Huzoor maa no Kor'an a woakyerere ase ako Maori kasa mu no kor, Kor'an no a woakyerere ase ako Maori kasa mu no Owura Shakeel Ahmad Muneer Sahib na oye. Odzii kan kyere Kuran no fa ase ansaana ekyir no oreyere ne nyinara ono nye Kyeame a oye dzodze nyansa pa ho okyerekyerenyi naaso Huzoor a otodo anan na otuu no fo ma ohyee dem edwuma no ase. Odzii kan suaa Maori kasa no ansaana oreye Kor'an nkyerease no ase, osuaa kasa no mfe eduonu enum, sesie ara woedzi mfe eduowotwe biako. Ose odzii mber pii ansaana oretse dodow kabea kasa wo Maori kasa no mu, ose ne mfe dodow no so maa edwuma no yee dzen maa no, onyaa akwanhyia ahorow pii naaso oammpa abaw. Na yehwe ne mfe a oye edwuma son a woedzi na Nyankopon mma no ho akatuapa. Oman no mu dawurboko kaa Maori kasa no mu Kuran ho nsem pa pii na woboo hen abaw do de oye edwuma pa. Wobisaa Huzoor siantsir a woakyerere Kuran ase ako Maori kasa mu osiande Maorifo ndosso. Huzoor yii ano de, oye hen asodzii de yebekyerekyerere Kuran no ase ako kasa ahorow nyinara mu na yedze no mu nsem ako amanaman nyinara mu. Nyankopon N'adom ara Maorinyi kor beyee Bai'at. Huzoor kaa de onam Maori Kuran nkyereasee no do ma Maorifo pii beba Jama'at no mu. Dza odzi do nye apontu a wotoe wo asordan no mbuei ntsi, Ohenpon na ne obaahenbaa baa apontu yi ase na etsitsir bi so baa ase, dom a wobaa apontu no ase hon dodow ye oha esoun (107). Onam iyi do ma Anglican Sofopanyin bi kaa de owo de asomba nyinara ka honho bomu ye kor. Ode oagye dza Huzoor kae no nyinara atomu de ampaara dawurbo nkrataa no nka Islamsom ho asem papa.

Ode se etsiafo bi ka honho ara a, dza dawurboko nye nsemkyerewfo no da no edzi nye Muslimfo asordan na woyi Muslimfo a woreye asor mfonyin dze kyere de Islamsom ye nhye som, nsemkyerewfo no booo Maori dwumadzi no ho dawur nye asordan no mbuei no papaapa.

Dwumadzi bi so koor do wo Auckland a owo ahenkrow no ekyir beye akwansin mpem awotwe (8000), Owura Kanwal Jeet Singh na oye ho ntotoe nyinara wo Mbrahye Baguafie pramkese no do. Nhyiamu yi ase no, Israelman, Iranman na Ngyiresi Aborokyrman (Britain) aban ananmusifo baa nhyiamu yi ase bi. Huzoor kasae faa asomdwee ho wo nhyiamu yi ase na dom no nyinara tsiee no asopa mu, dawurbo krataa bi booo dwumadzi yi ho dawur ara yie. Huzoor fii ho no, okor Japanman mu na wotoo pon kese bi wo Nagoya kurow no mu, dom dodow a wobaa apontu yi ase no ye oha duesoun (117), Communist kuw no panyin a oda ano baa bi, mbrahye baguafie na aban akrakyefo, mpanyinfo baa bi, Stotoism na Buddhism som no mpanyinfo baa ase bi, mbrahufo bi twaa aboroko kwansin apem (1000) baa nhyiamu no ase, ose Ahmadiyya kuwmba no adoye na mboa a woboae wo 2011 wo aber a atoyenkyem too hon no, nnye dza hon were befir koraa dem ntsi, oda Ahmadiyyafo ase yie na ose oye no dew papaapa de woehyia Ahmadiyya kuw no banodzinyi. Dem ntsi obaa nhyiamu no ase de oreyekyerere n'enyiso wo dza Ahmadiyya kuw no aye no ho.

Na ɔkaa kyereɛ Huzoor de n'asɔrmba no dzi hɔn nkyerɛkyere do yie, na Huzoor n'asɔrmba no tsie ne kasaa na wɔye adasamba mboa pii, ɔse otsiee Huzoor ne kasae wiee no ɔyeɛ no de wiadze yi mu asomdwee n'esumasem wɔ kasa a Huzoor kae no mu. Huzoor kaa de, se yebo Islamsom ho nkyerɛkyerɛpa dawur a abadwembafo tse ase yie, wohu no de, Islam ye asomdwee som. Huzoor fii ho kɔr Japanman mu na ɔkaa de, ɔwo de wiadze nye Japanman no dzi no yie osiande ɔye ɔman a noho hia yie na obedzi wiadze yi mu mpontu mu akotsen wɔ ndaamba. Mbrahufo bi kaa de ɔnye Ahmadiyya Kuwmba no wɔ nkitahodzipa, Huzoor kaa de, ɔye awerehow de nde Chaudry Zafrullah Khan nnsom bo biara wɔ ɔnoara ne man mu, wɔ aber a nna ɔye aban mu amanandze soafo, na woeyi no mpo efi ɔman no abakɔsem mu ma mbofra nnhu nokwar abakɔsem no.

Japanese mbrahufo bi kaa de, hɔn were nnkefir Ahmadiyya Kuw no ara da wɔ mboa a wɔdze boaa hɔn ber a asaasewosow kɛse bi sii ho no, ɔde woehu Islam n'ahoɔfew wɔ Ahmadiyyafo ho. ɔkaa de wiadze nyinara beye kor a ɔno Ahmadiyyafo na wɔbeka hɔn abɔmu, de mbre wɔwo kandzinyi kor a wodzi n'ekyir. Huzoor kaa de ɔnnkotum abɔ ne nserahwe no mu amandze preko per. ɔkaa de wobetsintsim ho nsem wɔ Al-Fazl dawurbɔ krataa no mu.

Huzoor sanee bɔɔ n'akwantu noho amandzɛɛ bio. De mbre ɔkaa de dawurbɔfo bɔɔ n'akwantu no ho dawur ara yie no, dawurbɔ nkrataa no bi a ɔwo Indonesia bɔɔ noho dawur, na wobisaa Huzoor nsempɔw bi, dawurbɔ krataa yi dzin dze Tempo na wotsintsim nkrataa mpem ɔha (100000) dapɛn biara. Demara so na Australia TV na dawurbɔ nkrataa bɔɔ Huzoor ne nserahwe no ho dawur, na dawurbɔ dwumadzi kuw ebien bi fi Java Atɔe bae, demara so na ABC TV dwumakuw no, ne “**radio**” dwumakuw no bɔbɔɔ Huzoor ne nserahwe no ho dawur ara yie. Dem saso ntsi amamba no tsee dawurbɔ no wɔ ɔman no ne fenandze nyinara, mpo nyimpa a wɔwo Pacific man mu no tsee dem ABC radio dawurbɔ yi wɔ hɔn man no mu. Dɔm a wɔtsee dawurbɔ yi beye mpem ahaebien (200,000) a wofi amanaman beye eduanan (40) mu. ABC news edwumayefo no kaa de, nkye wɔpe de wobisa Huzoor nsem mber tsentsen naaso nna mber nnyi ho dem. Wobisaa Huzoor nsem wɔ ABC Newline dwumadzi no do na nyia obisabisa Huzoor nsem no ye okunyin bi a ɔtaa bisabisa amanpanyin nsem, na amanfo tsiee no yie. Dɔm dodow beye ɔpepe du dze kɔ ɔpepe duenum na wotsiee Huzoor ne nsembisa no. Wɔ New Zealand man mu no, ɔhen n'aponto no, TV1 edwumakuw no na wɔbɔɔ ho dawur na nyimpa beye mpem du (10,000) na wɔhwɛɛ dem dwumadzi yi. Asɔrdan no mbuei no, dawurbɔ krataa “Sunday Star” na wɔbɔɔ ho dawur kyereɛ nyimpa beye mpem ɔha eduanan akron (149,000). Edwumakuw yi wɔ etsiefo beye mpem ahaenum (500,000) na dawurbɔ kraataa “Manukau Courier” a hɔn a wɔkenkan no hɔn dodow beye mpem ɔha eduokron anan (194,000) na wɔkenkann ho nsem na afei wɔbɔɔ ho dawur so wɔ wiadze nyinara ntentan (**internet**) do.

Wɔ Japan man mu so wɔbɔɔ asɔrdan no ho dawur maa nyimpa beye ɔpepe eduonu (20,000,000) na wotsintsim Huzoor ne mfonyin papa ara yie. Wɔkaa de, Ahmadiyya Kuw no no banodzinyi no fi Ngyiresi Ahenkurow mu aba nserahwe wɔ ha. Wɔbɔɔ ho dawur de Ahmadiyyafo hɔn banodzinyi no aka de obiara botum aba hɔn asɔrdan mu bi, dem ntsi wɔroto nsa afre obiara.

Nokwar nye de nsembisa no dodowara no nna ofa Islam ne nkyerkyere ho nye Anohoba Messia (ANN) no ne mbae ho, Islamsom mu akodzi, Ahmadiyya Kuw ho nyamesemka, basabasaye a aba Muslim amanaman mu na kwan a wobefa do enya asomdwee, Jesus Christ (ANN) ne gyinabew na afei nkitahodzi a oda Ahmadiyya kuwmba no na Khilifat ntamu. Ampaara de nsem ahorow pii na okor do wo ho a ofa Ahmadiyya Kuw no ho. Se yeka hon a wohwee dwumadzi no nyinara bomu a nyimpa beye opepe eduasa enum (35,000,000) na wohwee dwumadzi no bi. Yehu no de Nyankopon dze Islamsom ho dawurbo repetse wiadze fenandze nyinara na dom dodowara na woruhu Anohoba Mesia (ANN) na woretse ne nkerkyere no so. Iyinom nyinara ye nsem a Anohoba Mesia (ANN) no aka ato ho dada, dawurbo yi nyinara ye Nyankopon nkyen dasedzi. Ber a yewo mu iyi ye mber a wo de yebw nokwar kwankyerere ho dawur. Ampaara de onnye hom de yebotum aye nhyenhyee ma nkorofu efi amanaman mu abobo hen Jama'at yi ho dawur. Dem Jama'at yi ho dawurbo edu aman eduanan (40) do a Pakistan so ka ho. Hon a wowo nyansa no bohu de woye Anohoba Mesia (ANN) no no nkorofu.

Anohoba Mesia (ANN) no kaa de "seisei, de yebedzi kwankyerere do: Na ofa no w'Ewuradze N'akyedze no bo ho dawur kyere binom" (93:12). Mennhu yaw a wo ho de ebeka de Ehumbobor Nyankopon, nam N'adom na N'akyedze do dze dem ayedze ye ama me mbordo mbordo. Onndze nsapan somaa me anaade Oammfa nsenkyeredze annka mosoma ho. Odze dem nsenkyeredze nyina ama me a orehye ma na oboko do ahye ma. Otumfo Nyankopon bokodo ahye nsenkyeredze yi ma kepem ber a nokwar no betsim pefee (Izala-e-Auham, Ruhain Kazain Vol. 3 Essence of Islam, Vol.4, Pg.58).

Ketseankye Nyankopon ama yeatse hen asedze ase na yeahye no ma!

Afei Hadhrat Khalifatul Masih dze too gua de woye Fida asor no wie a obeye funksie asor ebiasa. Wonyinom nye Shaheed Bashir Ahmad a otor nsa ano wo Karachi wo Oberefew ne da a odzi kan no, Mian Abdul Sani Sahib, Hadhrat Khalifatul Masih I ne nana a ofii mu wo ber a nna o'edzi mfe eduosia akron (69)onam akoma yarba ntsi, na mfe duesuon ba Muzzamil Ilyas Sahib a nna oye adzesuanyi wo Jamia Pakistan. Ofii mu awerefir mu ara wo Oberefew ne da a oto do akron.

Ketseankye Nyankopon akron hon tsenabew na Oama hon nkorofu pintsinnye.

- Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us